

靈寶無量度人上品妙經卷之五十

字十

燭化水火災癘品

道言昔於紫元寶皇天中空洞玉音大升明  
土受元始度人燭化水火災癘妙品元始天  
尊當說是經周迴十過以召十方始當詣座  
天真大神上聖高尊妙行真人無鞅數衆乘  
空而來瑞靄積霄靈煙揚彩瑤輪瓊輦華蓋  
垂蔭萬景凝光百千寶色洞煥太空七日七  
夜諸天軌步日月運度咸悉凝輝星宿璿璣  
舍次停流碧山層巘神海湛波天覆僊雲地

成瓊玉臺闕長樓龍攀鳳舞素芝絳木捧露  
生香碧影金華普天共色衆真侍座元始天  
尊玄坐空浮九色真龍之上說經一遍諸天  
大聖同時稱善是時一國男女欣聽天尊宣  
說燭化水火災癘慈救三界无量大法說經  
二遍天搖玉毫彌覆龍觀說經三遍明河滿  
光玄珠飄灑說經四遍水騰火降變化自然  
說經五遍災癘不生劫數延遠說經六遍陰  
平陽泰氣無伏勝說經七遍混元顯化靈範  
流昌說經八遍冲用陶虛神真昭感說經九

遍湧金爲壇神僊俯賜說經十遍枯骸重肉  
幽黨開明是時一國是男是女莫不傾心皆  
受護度咸得長生

道言是時元始天尊說經一遍東方无極无  
量品開運大神無鞅之衆浮空而至說經二  
遍南方无極无量品玉曆大神无鞅之衆浮  
空而至說經三遍西方无極无量品植劫大  
神无鞅之衆浮空而至說經四遍北方无極  
无量品度劫大神无鞅之衆浮空而至說經  
五遍東北无極无量品權量大神无鞅之衆

浮空而至說經六遍東南无極无量品制水  
大神无鞅之衆浮空而至說經七遍西南无  
極无量品滅火大神无鞅之衆浮空而至說  
經八遍西北无極无量品蠲災大神无鞅之  
衆浮空而至說經九遍上方无極无量品化

字十

二

羸大神无鞅之衆浮空而至說經十遍下方  
无極无量品承濟大神无鞅之衆浮空而至  
十遍周竟十方无極天真大神一時同至一  
國男女傾心歸仰各施珍異神香妙衣无量  
法具旌幢繖蓋珮玉纓珠狀如屯雲密雨无

鞅之衆頂禮天尊願聞大法於是元始撫雕  
雲瓊几揮紫金丹光塵尾流眄垂光告命大  
衆十方天人曰吾自造立混沌化生二儀役  
御陰陽始封皇上元君青靈上真青天帝君  
青華帝君蒼華大帝青靈天君搏桑大帝九  
老仙都君上相青童君東華三官校量水火  
定平劫數極於九五八六之會地之維徑三  
億三萬三千三百億萬里南北則減千里東  
西增千里自地上至天半剛風八極則地之  
深亦如之通而廣之渾以相覆其數鉤股懸

天之啓著地之儀移千里一寸而得之天之  
廣大約三百六十六萬里以萬天求之不可  
以爲度九氣青天有九元九元運關周迴  
三十二覆晝夜三十日天氣一交一十二交  
爲一度三百三十度諧天氣王於木數至寅  
卯三千三百度青氣勃黃氣否陽數之九九  
者天之極謂小陽九六天氣上百官受會謂  
小百六此天氣勃於火宮巳午之歲疫氣流  
行九千九百度青氣激黃氣蝕陽數九九謂  
大陽九六天氣反百神收氣謂大百六此天

氣激於金宮申酉之歲兵疫並行三氣丹天  
運關三百六十度諸天氣王於火數至巳午  
三千三百度赤氣勃白氣否此小陽九小百  
六天氣勃於土宮辰戌丑未之歲土中生火  
九千九百度赤氣激白氣蝕此謂大陽九大  
百六天氣激於水宮亥子之歲當有洪災中  
央一氣黃天運關三百三十度諸天氣王於  
土數至辰戌丑未三千三百度黃氣勃黑氣  
否此謂小陽九小百六天氣勃於金宮申酉  
之歲瘴疫大起九千九百度黃氣激黑氣蝕

此謂大陽九大百六天氣激於木宮寅卯之  
 歲江河水溢災癘並興七氣素天運關三百  
 六十度諸天氣王於金數至申酉國安民豐  
 三千三百度白氣勃青氣否此則小陽九小  
 百六天氣勃於水宮亥子之歲人民漂流咸  
 至天傷九千九百度白氣激青氣蝕此謂大  
 陽九大百六天氣激於火宮巳午之歲赤怪  
 焚藝災疾尤甚五氣玄天運關三百六十度  
 諸天氣王於水數至亥子三千三百度黑氣  
 勃赤氣否此則小陽九小百六天氣勃於木

宮寅卯之歲水湧沛決人民夭傷九千九百  
度黑氣激赤氣蝕此謂大陽九大百六天氣  
激於土宮辰戌丑未之歲應以大旱五方運  
關三十二覆九千九百度周五方之氣皆上  
運元始青陽之氣迴轉靈寶玄都玉京山中  
周迴諸天日月星宿十空之外九億九萬九  
千九百九十九度天氣劫一劫之交天地再  
生此水火變化之道惟能蠲化則災癘自平  
是故道有九一天有九一地有九一人有九  
一四九合成三十六氣總會三十六天一

變生九一九九八十一元氣空有八十一道  
氣天有八十一聖天地有八十一真氣人有  
八十一僊氣總會三百六十氣道有三百六  
十虛无自然空玄之道天有三百六十聖化  
之道地有三百六十洞真之道人有三百六  
十骨節騰化飛僊之道此三百六十氣之所  
分化上有三十六空中有三十六天下有三  
十六地玄化在人則有三十六戶道有三萬  
六千神變玄象天有三萬六千雲構宮殿地  
有三萬六千洞府人有三萬六千神識道爲

玄空之至精人爲天地之至靈亦水火之變  
化也天地有劫數窮極水火之災癘惟上聖  
高尊諸天帝王以平和之則劫數無終水火  
無激蝕之變世之水火災癘惟有道之聖君  
有德之賢臣以平和之人身有水火災癘之  
變惟泰定無爲降火升水以平和之非至真  
上學所不能知凡此獨化水火災癘大法之  
道元始說經都竟衆真監度以授於我當此  
之時喜慶難言法事粗悉諸天復位條欵之  
間寂無遺響是時天人遇值經法普得濟度

全其本年無有中傷傾土歸仰咸識道體實  
由水火二氣均調天地清寧人物安阜不爭  
不勝不勃不蝕不鬱不拂不抑不閉不塞不  
伏言無窮妄口無邪聲齊同慈愛異骨成親  
國安民豐欣樂太平經始出教一國以道預  
有至心宗奉禮敬皆得度世

道言元始天尊說經中所言並是諸天上帝  
內名隱韻之音亦是魔王內諱百靈之隱名  
也上聖已成真人內制靈寶真水無彼丹靈  
無煙均調柔濟蠲化惡毒消滅災癘道玄究

靈寶度量上人上品妙經

微能悉其章誦之十過北都唱嚴南陵錄善  
火山揚光昭溫和泱龍澤澄瑩天德清平毒  
害消弭劫世綿永災癘不生人民康悅至學  
之士誦之十過則五行循運三災自除魔精  
喪眼鬼祲滅爽濟度垂死絕而得生所以爾  
者學士抱神御氣水火有倫斟酌燔煇理合  
有常不差不惑正其紀綱焚蕩之災收付天  
綱輕誦此章身則被殃供養尊禮門戶興隆  
世世昌熾與善因緣萬災不干神明護門斯  
經尊妙獨步玉京度人無量為萬道之宗範

巍大範德難可勝

道言凡誦是經十過諸天齊到億曾萬祖幽  
魂苦爽皆即受度上昇未官格皆九年受化  
更生得爲貴人以經法通感致水火二真雙  
景合併奇偶得宜陰陽調平真氣內應上徹

字十

六

玄關諸天降庭昭響南陵也而好學至經功  
滿德就皆得神仙飛昇金闕遊宴玉京上學  
之士修誦是經日月俠傍水火飛光蠲化災  
癘皆即受度飛昇南宮世人受誦則心火下  
降於紫室玄水上朝於金門中池朗秀白元

靈寶度量上人妙經

懼忻害氣祓除真神長存後皆得作尸解之  
道魂神暫滅不經地獄即得返形遊行太空  
此經微妙普度無窮一切天人莫不受慶無  
量之福生死蒙惠上天所寶不傳下世至士  
齋金寶效心盟天而傳輕泄漏慢殃及九祖  
長役鬼官侍經五帝玉童玉女各二十四人  
營衛神文保護受經者身

道言正月長齋誦詠是經正三元之紀蠲化  
水火災癘之氣為上世亡魂斷地逮役度上  
南宮七月長齋誦詠是經正五運之紀蠲化

水火災癘之氣身得神僊諸天書名黃籙白  
簡削死上生十月長齋誦詠是經正六氣之  
紀蠲化水火災癘之氣爲國王帝主君臣父  
子安鎮國祚保天長存世世不絕常爲人君  
安鎮其方民稱太平八節之日誦詠是經正  
八方之紀字十大小劫運水火相伐七勃蝕之災蠲  
化調平使九宮氣和人民康樂得爲九宮真  
人本命之日誦詠是經使支干無傷水火均  
適真氣自生魂神澄正萬氣長存不經苦惱  
身有光明三界侍衛五帝司迎萬神朝禮名

書上天功滿德就飛昇上清

道言行道之日皆當香湯沐浴齋戒入室  
東向叩齒三十二通上聞三十二天心拜  
三十二過閉目靜思身坐青黃白三色雲  
氣之中內外翳冥有青龍白虎朱雀玄武

獅子白鶴羅列左右日月照明洞煥室內  
項生圓像光映十方如此分明密呪曰

无上玄元太上道君召出臣身中三五功曹  
左右官使者侍香玉童傳言玉女五帝直符  
直日香官各三十六人關啓所言今日吉慶

長齋清堂修行至經無量度人願所啓上徹  
徑御

无上三十二天元始上帝至尊几前畢

引赤三十二過東向誦經

元始无量度人上品妙經

元始洞玄靈寶本章蠲化水火災癘十迴度  
人百魔隱韻離合自然三天澄明靈寶不分  
元胞未開或浮或沉浮者為陽沉者為陰浮  
者炎上沉者潤下性成質具名曰水火有形

無質若氣非氣爲至道祖爲太空精上水下  
火神濟其中上火下水氣營其門水火相交  
風爲之神變化天地生養乾坤金氣生明剛  
性發堅水潤成木木中成炎水火既具真土  
爲主土爲空母玉山上京黃房紫庭上聖九

字十

品帝極三真是由水火和感而生鬱伏彊弱  
變爲災癘頑敗朽惡氣撓神驚火精爲日水  
精爲月月成歲功日制軌刻三界萬物乃遂  
利亨五行六氣水火爲先大氣鍊養九萬九  
千赤明開圖運度自然歷水過火真得其真

上無復祖惟道爲身水火交胎晉植神靈靈  
文結篆龍鳳飛雲無文不光無文不明無文  
不立無文不成無文不度無文不生是爲大  
梵天中之天鬱羅蕭臺太微太階上極無上  
大羅玉清恍惚存亡水火真君行天運度畢  
甯昂參行人厄會水火漂焚行地爲癘土陷  
山傾氣有逆順劫有壞成上真蠲化生道謚  
寧水火二氣周迴十方中有度人不死之神  
中有南極長生之君中有蠲化災癘之神中  
有度世司馬大神中有好生韓君文人中有

南上司命司錄延壽益算度厄尊神迴骸起  
死無量度人今日校錄諸天臨軒

東方无極太玄神王長生大聖无量度人  
南方无極赤帝神王長生大聖无量度人  
西方无極九溟神王長生大聖无量度人

北方无極洞海神王長生大聖无量度人

東北无極火藏神王長生大聖无量度人

東南无極絳府神王長生大聖无量度人

西南无極水藏神王長生大聖无量度人

西北无極黑穴神王長生大聖无量度人

上方无極海空神王長生大聖无量度人  
下方无極元火神王長生大聖无量度人  
十方至真飛天神王長生度世无量大神並  
乘三素流雲八瓊丹輦風輪霞帳虎蓋蚪軒  
驂駕朱鳳五色玄龍建七耀之節九色靈旂  
前嘯萬舞齊唱後吹千籥同鳴朱鳳蒼蚪嘯  
歌嘯嘯玄獸神禽喙音宛宛五老啓途羣僊  
翼轅億乘萬騎浮空而來傾光回駕監真度  
生水火二相南昌上宮韓司主錄監生大神  
執籙把籍齊到帝前蠲平水火災癘無干隨

靈寶度量人上品妙經

所應度嚴校諸天普告玄都玉京天闕十二  
官分六甲之元水不濫溢火不焚然玄精守  
位絳章伏潛水火合氣不得流遷大小劫運  
九六之天消平災癘三界咸安無極神鄉泉  
曲之府北都羅酆三官九府十二河源水怪  
弭息洪波靜淵九靈奉書究負明伸上解祖  
考億劫種親疾除罪簿落滅惡根不得拘留  
逼合鬼羣元始符命時刻昇遷北都寒池部  
衛形魂制魔保舉度品南宮死魂受鍊僊化  
成人生身受度劫劫長存隨劫流轉與天齊

年永度三塗五苦八難超凌三界逍遙上清  
上清之天天帝玉真無色之境梵行

水火災癘即大小陽九百六之變也唯種  
民天已上三災不及自紫微垣至九壘重  
陰皆災害所及之處雖聖賢真宰不能變  
遷亦如日月之蝕也惟昇入無形方免水  
火之患此天亦三界之天與靈寶同法

東方八天

大濟榮稽天

邵真梵光天

帝楚凡流阿

帝求何宗都

靈觀陽符天  
淵鎮扶搖天  
太微正度天  
八景洞真天  
會昌延化天  
紫津耀神天  
南方八天  
雲瓊憫玄天  
玉闕禁盈天  
敷靈帝真天

帝彭樓提真  
帝伯嶽原殊  
帝師聰耻明  
帝曷寧晶魁  
帝司典公樞  
帝辨侯稱  
帝定思顯權  
帝獨伴濫嚴  
帝輔華資臣

冲裕慧宇天

帝覺爽元祺

九華變空天

帝山麗玉相

玄剛降生天

帝察監領神

晶明廣善天

帝啓蒲昌光

晃朗太元天

帝烈智攜

西方八天

字十

十一

洞淳正樞天

帝監鬱蒼

五英和育天

帝慮巴提文

離明遘容天

帝難洞申標

玉靈康濟天

帝綠寶宗

紫雲玄昇天  
玄緒慶猷天  
極真號名天  
初神顯祐天  
北方八天  
玄洞秘神天  
丘渚演真天  
元虛隱符天  
七變無極天  
高素昇聞天

帝才輔氏回  
帝賜禹景方  
帝僊釐總皇  
帝域圖檣  
帝居賓汪  
帝韓司秉觚  
帝治極紫邨  
帝震文啓玄  
帝尹述希寂

---

玄雲羽華天

帝滔師越浪

玄清豁落天

帝願典宥方

北華斗搖天

帝龍几承倡

三十二天三十二帝諸天隱諱諸天隱名天  
中空同自然靈章諸天隱韻天中之音天中

之尊天中之神天中大魔天中之靈九和十  
合變化上清玄化之奧深不可詳調運水火  
普度天人今日欣慶受度歷關諸天請滅漂  
焚流湯燒爇劫運之災大小陽九大小百六  
之會旺否勃蝕貽毒三元飛度厄難名列太

玄魔王監舉無拘天門東斗建杓西斗生氣  
北斗水神南斗火帝中斗大空為劫之會青  
帝化木白帝烹金赤帝孕火黑帝飛泉黃帝  
靈寶變化無邊青天魔王母本太玄赤天魔  
王真土成天白天魔王水德自然黑天魔王  
字十  
青陽發煙黃天魔王剛粹冲淵五帝大魔萬  
神之宗飛行鼓從總領鬼兵麾幢鼓節遊觀  
太空自號赫奕諸天齊功水劫浩浩驚波萬  
重火劫炎熾惡煙渾蒙激流烘爛三界災凶  
元始正道養育和融蠲化陰陽毒惡莫從災

癘却除時明國豐神公受命降世福祥日月  
合拱四斗明張玄瑞僊雲靈鳳飛翔水火作  
寶金玉凝堅六氣夷平四景回旋金不剋金  
木火降陰土爲水防木受土生五行既協水  
火無偏致民壽慶心無忸寃魔鬼滅爽殺戮  
萬千三官北酆明檢鬼營不得容隱金馬驛  
呈普告無窮萬神咸聽三界五帝列言上清  
鬱羅天關中環八門眇眇億劫祖氣未分上  
無復色下無復淵水火洞虛金剛乘天天上  
天下無幽無冥無形無影無極無窮亦明開

圖日月麗天水火合濟運度自然元始安鎮  
水火爲丹内生玉字赤書五篇十方寶篆八  
威龍文保制劫運二氣長存梵氣彌羅萬範  
開張元網流演三十二天輪轉水火周迴十  
方旋陰歷陽回度五常三十五分分氣三元

字十

十三

八景冥合氣入玄玄玄中太皇上帝高真泛  
景太霞嘯詠洞章金真朗郁流響雲營玉音  
攝氣靈風聚煙紫虛鬱秀輔翼萬僊千和萬  
合自然成真真中有神長生大君玄帝水德  
丹元火君太一守氣司命留神桃康捧鑪合

延命精執符把籙保命生根上遊上清出入  
華房八冥之內細微之中下鎮人身泥丸絳  
宮中理五氣混合百神十轉回靈萬氣齊仙  
僊道貴生無量度人水火交分飛天法輪罪  
福禁戒宿命因緣普受開度死魂生身身得  
受生上聞諸天諸天之上各有生門中有空  
洞謠歌之章魔王靈篇辭參高真

第一欲界蠲化大小劫運陽九百六  
水火災癘飛空之音

玉京爲樞

輪轉諸天

龍樓鼓鳴

靈寶度量上人上品妙經

九千餘周

水開洪源

炎飈九州

陽勝陰伏

木往金酬

水火為王

激勃滂流

燎山毀玉

民物振憂

元始上帝

虎冠龍旂

握策佩符

呼攝鄴幽

啓靈寶篇

黑帝布籌

火神檢考

萬靈速句

災害平寧

無待無求

第二色界魔王蠲化大小劫運陽九

百六水火災癘之章

元氣為日

陰母為月

日行月隨

成歲分節

天關運動

水衝火蒸

斗車其行

三千有餘

陽九百六

爲世卷舒

陰陽百六

數之堂隅

一十二度

鼓鳴三周

水火氣行

日月傍流

水勝河溢

火熾焚舟

至學無爲

我神天游

數極算竭

水火交結

世號災癘

物爲勦絕

九復爲一

混沌重生

元始天王

出沒變更

非度我界

玉清妙庭

第三無色界魔王水火災癘不及玉

靈寶度量上人妙品經

清神化歌曰

雲營廓落

浩蕩帝青

龍母九目

萬里蟠形

黑煙翁鬱

太音雷霆

屈繞玉山

八十萬層

俯觀日月

熒熒火星

下臨九天

玉闕金城

我界自然

無有火兵

九靈真母

諸惡不經

道空大妙

無上僊真

昇入無形

不染六塵

與神氣合

湛然長存

天谷綿綿

智覺不分

知本無爲

浩劫爲尊

此三界之上飛空之中魔王歌音音參洞章  
誦之百遍名度南宮誦之千遍魔王保迎萬  
遍道備飛昇太空過度三界位登仙公有聞  
靈音魔王敬形勅制地祇侍衛送迎拔出地  
戶五苦八難七祖昇遷永離鬼官魂度朱陵  
受鍊更生是謂無量普度無窮有祕上天文

字十

十五

諸天共所崇泄慢墮地獄禍及七祖翁

道言此二章並是諸天上帝及至靈魔王隱  
祕之音皆是大梵之言非世上常辭言無韻  
麗曲無華宛故謂玄奧難可尋詳上天所寶

秘於玄都紫微上官依玄科四萬劫一傳以  
其調制水火保固劫運使天關之度數軌無  
終與天長存禁重之限不容宣泄若有至人  
齋金寶質心依舊格告盟十天然後而付焉  
道言夫天地運終則水火激戾洪流滔天金

石焦朽於民為疫癘寒熱之疾水起土壤風  
騰火炎於民命終亦猶劫焚水蕩數會運終  
之時也末學之夫亦有疾傷凡有此災皆當  
建立壇墀敷五方真文三時行道制御水火  
蠲化災癘祈告上靈災害平息同氣皆當齊

心修齋六時行香十遍轉經福德立降消諸  
不祥無量之文普度無窮

道言夫末學道淺或仙品未充或四大燔灼  
眩惑躁競或則羸薈瘦枯寒窘跛痺此皆水  
火凌戰勝所不勝運應滅度身經太陰臨

之時同學至人爲其行香誦經十過以度屍  
形如法魂神徑上南宮隨其學功計日而得  
更生輪轉不滅便得神仙

道言夫天地運終星宿錯度日月失昏四時  
失度陰陽不調國境有災兵革四興疫毒流

行兆民死傷師友命過皆水火爲之災癘水火爲太微紫微兩極都曹主司人命總括禍福當依法建壇醮南北二斗水火尊帝奏詞懇願心香上達神真自降亦當修齋行香誦經夫齋戒誦經功德甚重上消天災保鎮帝

字十

十六

王下禳毒害以度兆民生死受賴其福難勝故曰無量普度天人

道言凡有是經能爲天地帝主兆民行是功德有災之日發心修齋燒香誦經十過皆諸天記名萬神侍衛右別至人剋得爲聖君金

闕之臣諸天記人功過毫分無失天中魔王亦保舉爾身得道者乃當洞明至言也

諸天中大梵隱語無量音 道君撰

元始靈書中篇

東方八天

蘋璣無玗 珍華肆極 辨祖幽池

魔靈滋直 允被盧康 景麗縛夾

乾司耀帝 禁離蒙辟 猛牛涂巔

侯闢魯僊 障祆殿容 典蓄魁駑

梵流牡綦 智泉隱嶽 旅師戰瓏

秀宛僅洽

南方八天

炎燂純瑤

澄彭觀韶

昭清雲虛

緣功鄙刀

逸液興心

巖溫密得

毳巒芝茂

瓊溜窈岑

復察混洞

露微悅惜

化蹟罔圖

生妙真森

和感混化

乳珊朶丹

茹道含祥

中竒莫恍

西方八天

鑄交火水

邁華喻邃

嬉胞一醜

氣淵賁藁 抱空意圖 璿光素齒  
稽覆匪垠 韞息優視 神壘萬合  
天津寥致 龍涓金瀝 田根浹被  
光回燁驛 太玄雌宮 偶雄誕珠  
固肇奚窮

北方八天

晦默退樊 稀賓徐安 鼓釜燮種  
忽芒烏完 蹈持夷廓 明塊九還  
靜坦驟識 霞都矚觀 茅渙菁麗  
馥蘭帝韓 冲麗符規 劫眇黃壇

迴度汗諧 度寶期聯 斗閣錄文

巨籍紫元

道言此諸天中大梵隱語無量之音舊文刻  
碧玉玄臺紫微太微二極之館以正水火之  
運蠲化三界劫數運度災厲奇變之殃使日  
月含華陰陽沖泰以成萬物之自然無爲而  
冥化字皆廣長一文金霞煥曜蔚翠映圖天  
真皇人昔書其文以爲正音有知其音能齋  
而誦之者諸天皆遣飛天神王下觀其身書  
其功勤上奏諸天萬神朝禮地祇侍門大勲

魔王保舉上清道備剋得遊行三界昇入金  
門此音無所不辟無所不穰無所不度無所  
不成天真自然之音也故誦之致飛天下觀  
上帝遙唱萬神朝禮三界侍軒羣祿束首鬼  
精自亡琳琅振響十方肅清河海靜默山嶽  
吞煙萬靈振伏招集羣仙天無氛穢地無祲  
塵冥慧洞清大量玄玄也

元始无量度人上品妙經卷之五十